



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 7. Quinam excusantur à Lege jejunii?

urn:nbn:de:hbz:466:1-40993

obire: nam id tum se habet per modum medicinae, quæ non prohibetur diebus jejunii.

Resp. III. Qui exiguum quid nutritivum saepius eodem die sumit, et si sine proposito aliquid notabile sumendi, peccat mortaliter, cum ad quantitatem notabilem scienter pervenit. *Quia I.* Alex. VII. damnavit hanc propos. *In die jejunii;* qui saepius modicum quid comedit, et si notabilem quantitatem inservire coquederit, non frangit jejunium. *2.* Plura illa medica conflant simul magnam quantitatem, & producunt notabilem effectum, in quo unusuatur, scilicet notabilem nutritionem. Nam nutriunt perinde, ac si magna quantitas continenter sumeretur, singulæ enim partes cibi, sive simul, sive interrupere sumantur, addunt robur, & substantiam, quæ robotatio manet si in post sumptas omnes partes. Hinc non licet bibere pro arbitrio, & toties aliquid exigutum, manducare ne potus hoceat; nam sic saepius inmodicum quid comedendo perveniretur ad quantitatem notabilem, ide quæ violaretur jejunium.

Porrò non excusat à culpa veniali, qui regatus ab amico exiguum quid comedit, ne inurbanus videatur; nam non est haec justa, ac legitima causa solvendi ex parte jejunium, nec licet unquam peccare, vel leviter. *Azor,*
Galii.

Q. 7. Quinam excusat à Lege jejunii?

Not. Certum est omnes Christianos post
Tom. II.

2 ium. annum complētū teneri ad jejunium ab Ecclesia præceptum; nisi justa ex ausa excusentur. Nam nemo qui potest, excipitur, & Lex est universalis, ut constat ex sensu Ecclesiæ; & causa hujus præcepti in omnibus locum habet, nam omnes egent mortificatione carnis, & castigatione corporis, ut subjiciatur spiritui, & Deo satisfiat pro peccatis.

Resp. Quoad abstinentiam ab altera refectio excusantur generatim omnes, qui sine gravi incommodo, seu damno jejunare non possunt. Speciatim verò hi. i. Ægroti, infirmi, item convalescentes, quos infirmitas valde extenuavit: quia iis non sufficit una refectio, sed indigent crebriore, & modica. De sufficien-
ti gravitate infirmitatis consulendus est prudens Medicus, nam ratione officii, & peritiæ ad ipsum spectat hoc judicium. Quod si causa ei est dubia, & incerta, auctoritate Superioris opus est; quia tunc necessaria est juris relaxatio, ad quam Medicus, vel Confessarius potestatem non habet. *Azor.* Qui autem ob infirmitatem non possunt jejunare omnibus diebus Quadragesimæ, sed possunt aliquot diebus cujusque hebdomadæ, v. g. alternis, vel duobus, &c. tenentur illis diebus, quibus non habent justam causam non jejunandi. Nam cum singulis diebus sit affixa nova obligatio jejunandi, & haec non tollatur nisi per justam causam; si aliquot diebus impleri possit obligatio, tunc ea urget. Qui verò dormire neque-

DE VIRTUTIBUS MORALIBUS. 39

nequeunt, nisi sumptā cœnā, non ideo excusantur à jejunio, cum possint illud servare si ne gravi incommodo, v. g. Collatiunculam circa meridiem sumēndo, & integrum refashionem serò: nam præceptū obligans ad aliquid, simul obligat ad media saltem non valde difficultā, licet non ordinariā.

2. Prægnantes, & Nutrices; nam egent cibo pro se, & pro fœtu vel prole, & jejunium iis graviter noceret.

3. Pauperes, qui non habent quod unī justæ refactioni sufficiat, sed (ut ait S. Thom. q. 147. a. 4. ad 4.) Pauperes, qui possunt sufficienter habere quod eis sufficiat ad unam comestionem, non excusantur propter paupertatem à jeuniis Ecclesie, à quibus tamen excusari videntur illi, qui frustratim elemosynas mendicant, qui non possunt simul habere quod eis ad victimum sufficiat.

4. Pueri, ex communī, ante annum 21 um. completum non obligantur: quia cum usque ad hoc tempus communiter crescent, ac firmantur hominum corpora, egent frēquentiōre cibo, tum propter debilitatem naturæ, tum propter necessitatē augmenti, quod fit de residuo alimenti, ait S. Thom. a. 4. ad 2. Nec obstat quod aliqui ante hoc tempus non indigeant frēquentiōni cibo, quia legislator attendit id, quod communiter & in pluribus accidit, ait S. Thom. rationens conveniens esse, ut adolescentes jejunent plus vel minus secundūm modum suæ statis, ut cum tempus obligationis advenerit,

C 2 facit

facilius eam exequantur, & præsertim ut carnis concupiscentias, quibus tunc exæstuat natura corrupta, jejunio coerceant. Imò possunt adolescentes ad jejunium obligari, ob urgentem gravem necessitatēm, sive publicam, ut Jon. 3. sive privatam, tñt si egeant hoc remedio ad cohibendam libidinem; nam bonum commune, & privatum spirituale præferri debet bono privato, & corporali.

Quoad senes, quamvis aliqui putent eos à jejunio eximi circa annum septuagesimum, tamen ex communi, teste Layman, aut saltem communiore, non est pro iis certum tempus constitutum, quo lege jejunii sint soluti, eò quòd alii citius, alii tardius viribus deficiant; cùm è contra communiter crescant, & firmenter homines usque ad annum 21. um. Quare senes non excusantur, nisi quando corporis vires deficiunt, ita ut pluribus modicis egeant refectionibus aliás grave nocumentum passuri. Senes si sunt multūm debiles, & modo possunt excusari, sicut dictum est de infirmis. Ratione autem senectutis tantūm non excusantur, si sunt fortis ad ferendum jejunium; nec est determinata etas ab aliquo, usque ad quos annos quis tenetur ad jejunium. ait S. Antonin. 2. p. tit. 6. cap. 2. §. 5.

5. Operarii, opifices, & ii omnes, qui ex officio exercent opera laboriosa, ob quæ sine gravi incommodo jejunare nequeant. Quales sunt agricolæ, fossores, vinitores, fabri ligharii, & ferrarii, pistores, bajuli, & alii similes, quorum

rum labor gravis est, & corpus multum defatigat. Idque juxta multos, quamvis non sint pauperes, modo talia opera ex officio exercant: quod, teste Sylvestro, iis concessit Eugen. IV. Ita ut non teneantur cessare ab exercitio suæ artis seu professionis ad jejunandum. Porro eo die, quo non laborant, ut si dies Festus superveniat in Quadragesima, tenentur jejunare, nisi alias grave incommode sentirent ob laborem præcedentis diei, aut iudicio prudenti redderentur inepti ab laborandum die sequenti.

Ex communi, non excusantur notarii, scribæ, pictores, barbitonsores, sartores, Typographi, qui torcular non tractant, sed caracheres duntaxat componunt; futores, qui non suunt, sed solùm scindunt corium, & materiam præparant; famuli, & ancillæ, qui non magnis in laboribus exercentur; & omnes quorum labor non est gravis, nec fit cum magna agitatione, quando unam justam refractionem sibi accommodatam habere possunt: quia isti possunt sine notabili incommodo jejunare. Hinc Alex. VII. damnavit hanc propos. *Omnes officiales*, qui in republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio. Item Professores, seu Præceptores, qui manè & serò docent, non excusantur à jejunio præcisè ob suum laborem, nisi adsit specialis infirmitas: nam experientia constat eos

posse communiter jejunare sine gravi nocu-
mento, quod solum potest eos excusare.

6. Qui pedibus conficiunt iter, quod in tem-
pus aliud à jejunio liberum nequeat commo-
dè differri, modo spectatis omnibus, ut itine-
ris longitudine, viarum difficultate, laboris
gravitate, itinerantis viribus, &c. non possint
sine notabili incommodo jejunare; quare circa
hoc non potest determinari numerus leuca-
rum, qui generatim excusat à jejunio; nam alii
plus, alii minus laboris capiunt ex via, & viæ
aliæ aliis sunt difficiliores, tempus etiam potest
augere, vel minuere incommoda, &c.

Dixi, *pedibus*, quia non excusantur, qui
equo, vel curru iter faciunt, nisi forte ob ex-
traordinariam concussionem, ac desatigatio-
nem non possint sine gravi incommodo jeju-
nare. Nam lex jejunii obligat, quando serva-
ri potest sine notabili incommodo, seu nocu-
mento. Hinc Alex. VII. damnavit hanc pro-
pos. *Excusantur absolute à præcepto jejunii om-
nes illi, qui iter agunt equitando, utcumque iter
agant, etiamsi iter necessarium non sit, Etiam si
iter unius diei confiant.*

7. His causis multi addunt pietatem, sive
opus præstantius, & Deo gratius, incompossi-
bile moraliter cum jejunio, ut sunt opera mi-
sericordiæ, tum corporalia, tum spiritualia, &
etiam religionis, quæ quis jejunando non pos-
set exercere, nec in tempus aliud differre, si
*exerceantur ex officio, vel obedientia, vel ob-
necessitate.*

necessitatem proximi: quia (ut ait S. Thom. 2. 2. q. 147. a. 4. ad 3.) *Non videtur fuisse intentio Ecclesiæ statuenteris jejunia, ut per hoc impediret alias pias, & magis necessarias causas.*: Nam cum Ecclesia præcipiat jejuniū ut promotivum ad bonum, non intendit obligare ad illud prout impedimentum est majoris boni.

Observa. 1. Nemo ab abstinentia carnis liberatur præcisè ob extatē, & laborem gravem: Sed ad hoc requiritur morbus, vel infirmitas major, & specialis; quia abstinentia à carnibus rariūs potest grave nocumentum inferre, quam abstinentia ab altera refectione.

2. Quamvis adsit gravis infirmitas, vel morbus, adhuc petenda est licentia à Superiore, nisi fortè in certis casibus ex consuetudine non petatur. Ita S. Thom. loco cit. & Conc. Tolet. 8. c. 9. id exigit. Tum quia regulus ordo disciplinæ id postulat: tum ut agnoscatur auctoritas Ecclesiæ: tum maximè ut vitetur periculum seipsum decipiendi, & violandi legem: nam sibi quisque facile fingere potest adesse causam justam exemptionis.

3. In dubio de sufficientia causæ ad non jejunandum, semper peti debet dispensatio; quia stat pro lege possessio, & indubio tuior pars eligi debet. Dispensare possunt cum saecularibus Episcopus, vel etiam Parochus, juxta cujusque Diocesis consuetudinem; nam potestas dispensandi in hac lege saepè occurrente potest ex consuetudine esse ei concessa,

C 4

cum